

1. UVOD

Životni ciklus projekta se često poredi sa životnim ciklusom kada roditelji odgajaju svoju djecu u procesu njihovog odrastanja. Roditelji u početku ne znaju gotovo ništa o njima, ali kako djeca rastu roditelji ih prate, proučavaju i zadovoljavaju njihove potrebe. Tokom vremena roditelji konstantno ulažu svoj trud i novac u razvoj svoje djece, sve dok djeca ne odrastu i postanu ljudi, čime se njihov posao završava.

Projekti nastaju i razvijaju se na sličan način. Najprije određena individua ili grupa ljudi dolazi do ideje za projekat i aktivno se zalaže za njihovu realizaciju. Nakon što se odobri projekat napreduje kroz određeni broj faza, sve do ispunjenje projektnih ciljeva, odnosno završetka i zatvaranja projekta. Svi projekti podijeljeni su faze i nebitno da li su veći ili manji, složeni ili jednostavni, imaju sličnu strukturu životnog ciklusa. Svaki projekat u najmanju ruku mora da ima početnu fazu, srednju fazu (ili više njih) i završnu fazu. Broj faza u projektu zavisi od složenosti projekta, kao i privredne djelatnosti kojoj projekat pripada. Sve faze koje obuhvata određeni projekat, povezane u jednu cjelinu, nazivaju se životnim ciklusom projekta. ¹

¹ Radoslav Avijaš, Upravljanje projektom, Upravljanje projektom rizikom, Univerzitet Singidunum, Beograd, 2009., str. 16